

ԻՐԱՎԻՃԱԿ

ՎՐԱՍՏԱՆԻ ՎԱՐՉԱՊԵՏԸ ՀՐԱԺԱՐԱԿԱՆ ՏՎԵՅ
«ԵՍ, ՑԱՎՈՔ, ԶՎԱՐՈՂԱՑԱ ԸՆԴՀԱՆՈՒՐ ԿԱՐԾԻՔԻ ԶԱՍՆԵԼ ՄԵՐ ԹԻՄԻ ԴԵՏ
ԵՎ ՈՐՈՇԵՑԻ ԶՐԱԺԱՐՎԵԼ ՊԱՇՏՈՆԻՑ»



Փետրվարի 18-ի առավոտյան, Վրաստանի վարչապետ Գիորգի Գախարիան, հանդես գալով կառավարության գրասենյակում, հայտարարեց իր պաշտոնաթողության մասին:

- Երեկ Նիկա Մելիայի նկատմամբ դատարանը խափանման միջոց է ընտրել կալանքը: Սա մի մարդ է, որը իրականում երբեք չի հարգել վրացական օրենսդրությունը, մարդ, ով կոչ է արել մեր քաղաքացիներին հունիսի 20-ին գրոհել խորհրդարանի վրա՝ լինելով խորհրդարան ներխուժելու փորձի կազմակերպիչներից մեկը: Բայց չնայած ամենին, իմ բացարձակ անսասան դիրքորոշումն այն է, որ մեկ անձի նկատմամբ անընդունելի է նույնիսկ օրինական արդարադատությամբ (Շարունակությունը՝ 2-րդ էջում)

ԻՐԱԿԻ ՂԱՐԻԲԱՇՎԻԽՆ՝ ՎՐԱՍՏԱՆԻ ՎԱՐՉԱՊԵՏԻ ԹԵԿՆԱԾՈՒ

Փետրվարի 18-ին Վրաստանի վարչապետ Գիորգի Գախարիայի՝ պաշտոնաթողության մասին հայտարարությունից հետո, «Վրացական երազանք» կառավարող կուսակցության կենտրոնական գրասենյակում կայացավ կուսակցության քաղաքական խորհրդի նիստը, որտեղ քննարկվեց երկրի վարչապետի թեկնածուի առաջադրման հարցը:

Քաղաքական խորհրդի որոշմամբ, «Վրացական երազանք» կուսակցությունից վարչապետի թեկնածու առաջադրվեց երկրի պաշտպանության նախարար, 39-ամյա Իրակլի Դարիբաշվիլին:

Նշենք, որ Իրակլի Դարիբաշվիլին 2012 թվականին Բիժինա Իվանիշվիլի ու գլխավորած կառավարությունում զբաղեցնում էր ներքին գործերի նախարարի (Շարունակությունը՝ 2-րդ էջում)



ԽՈՐՀՐԴԱՐԱՆ

ԸՆԴՈՒՆՎԵՑԻՆ ՆԻԿԱ ՄԵԼԻԱՅԻ ԱՆՁԵՌՆՄԻՏԵԼԻՈՒԹՅԱՆ ԶԵՂԱՐԿՄԱՆ ԵՎ ԺԱՄԱՆԱԿԱՎՈՐ ՔՆՆՉԱԿԱՆ ԶԱՆՁԱԺՈՂՈՎ ՍՏԵՂԾԵԼՈՒ ՈՐՈՇՈՒՄՆԵՐ

Փետրվարի 18-ին Վրաստանի խորհրդարանն իր լիազումար նիստում քննարկեց «Ազգային շարժումից» համամասնական ընտրակարգով պատգամավոր ընտրված Նիկա Մելիային պատգամավորական անձեռնմխելիությունից զրկելու մասին երկրի դատախազության միջնորդությունը, 2020 թվականի խորհրդարանական ընտրությունների ուսումնասիրության ժամանակվոր քննչական հանձնաժողովի ստեղծման հարցերը: Կառավարության ժամի չըջանակներում, պատգամավորները լսեցին Վրաստանի առաջին փոխվարչապետ, տարածաշրջանային զարգացման եւ ենթակառույցների նախարար Սայա Ցիխուշվիլու հաշվետվությունը:

ՎՐԱՍՏԱՆԻ ԽՈՐՀՐԴԱՐԱՆԸ ԶԵՂԱՐԿԵՑ ՆԻԿԱ ՄԵԼԻԱՅԻ ՊԱՏԳԱՄԱՎՈՐԱԿԱՆ ԱՆՁԵՌՆՄԻՏԵԼԻՈՒԹՅՈՒՆԸ

Վրաստանի խորհրդարանը՝ 88 կողմ, 2 դեմ եւ 4 ձեռնպահ ձայներով, հավանություն տվեց «Ազգային շարժման» ցուցակով խորհրդարանի ան-

դամ ընտրված Նիկա Մելիայի խորհրդարանական անձեռնմխելիության վերացմանը: Որոշման դեմ քվեարկեց «Քաղաքացիներ» կուսակցությունից երկու պատգամավոր, իսկ «Եվրոպական սոցիալիստները» մնացին ձեռնպահ:

(Շարունակությունը՝ 4-րդ էջում)

«ՎՐԱՍՏԱՆԸ» 100 ՏԱՐԵԿԱՆ Է

«ՎՐԱՍՏԱՆԸ» ՄԵՐ ԸՆՏԱՆԻՔԻ ՎԱՂԵՄԻ ԲԱՐԵԿԱՄՆ Է



Չէր թույլտվությամբ կցանկանայի մեկնաբանել «Մեր ընտանիքի վաղեմի բարեկամ» արտահայտությանը: Եվ այսպես.

1956 թվականի նոյեմբեր: 18-ամյա պատանիս նուտը գործեցի Թբիլիսիի Ռուսթավելու պողոտայի՝ թբիլիսահայ ճանաչված ճարտարապետ Զիսլիեի կառուցած ինքնատիպ շենքերից մեկում գործող «Սովետական Վրաստան» (այժմ՝ «Վրաստան») թերթի խմբագրություն եւ սկսեցի աշխատել տպարանում՝ որպես գրաշար:

(Շարունակությունը՝ 5-րդ էջում)

ՄԵՐ ԶԱՐԱՋԱՏ «ՎՐԱՍՏԱՆԸ» ԶՈՐԵԼՅԱՐ Է

Սիրելի վիրահայություն, վաստակաշատ ժուռնալիստ Վան Բայբորթյան, «Վրաստան» թերթի աշխատակիցներ, շնորհավորում եմ մեր հաղթանակը, քաղաքական, տնտեսական եւ այլ ոլորտների մասին պատմող հետաքրքիր նյութեր: Թերթը մեծ ավանդունի հայ-վրացական բարեկամական կապերի մերձեցման եւ բարգավաճման ծառայության գործում: Միշտ եղել է հայության կողքին, լուսաբանել նրա ստեղծագործ աշխատանքը՝ հանրությանը ներկայացնելով վիրահայ նշանավոր մարդկանց:



(Շարունակությունը՝ 5-րդ էջում)

ՎՐԱՍՏԱՆ - ԶԱՅԱՍՏԱՆ

ԱՐՄԵՆ ՍԱՐԳՍՅԱՆԸ ԲԻԶԻՆԱ ԻՎԱՆԻՇՎԻԼՈՒՆ ԸՆՈՐՀԱՎՈՐԵՅ 65-ԱՄՅԱԿԻ ԱՌԹԻՎ

Փետրվարի 18-ին Դայաստանի նախագահ Արմեն Սարգսյանը շնորհավորական ուղերձ հղեց Վրաստանի նախկին վարչապետ, «Վրացական երազանք» կուսակցության նախկին նախագահ Բիժինա Իվանիշվիլուն՝ ծննդյան 65-ամյակի առթիվ:

Շնորհավորական ուղերձում Արմեն Սարգսյանը համոզմունք հայտնեց, որ համատեղ ջանքերի շնորհիվ ավանդական բարիդրացիական եւ գործընկերային հարաբերությունները Դայաստանի ու Վրաստանի միջեւ նոր խթան կստանան եւ առաջիկայում ավելի կզարգանան:



Դայաստանի նախագահը Բիժինա Իվանիշվիլուն մաղթեց քաջառողջություն եւ հաջողություններ, իսկ Վրաստանի բարեկամ ժողովրդին՝ խաղաղություն ու բարգավաճում:

Լուսանկարը՝ «Վրաստանի» արխիվից

ՎՐԱՍՏԱՆԻ ԴԵՍՊԱՆ ԳԻՈՐԳԻ ՍԱԳԱՆԵԼԻՁԵՆ ՀԱՆԴԻՊԵԼ Է ՀԱՅԱՍՏԱՆԻ ՊԱՇՏՊԱՆՈՒԹՅԱՆ ԵՎ ԿՐԹՈՒԹՅԱՆ, ՄՇԱԿՈՒՅԹԻ ՆԱԽԱՐԱՐՆԵՐԻՆ

Դայաստանում Վրաստանի արտակարգ եւ լիազոր դեսպան Գիորգի Սագանելիձեն փետրվարի 16-ին հանդիպել է Դայաստանի պաշտպանության նախարար Վաղարշակ Դարությունյանին: Դանդիպմանը Գիորգի Սագանելիձեն ներկայացրել է Վրաստանի դեսպանության նորանշանակ ռազմական կցորդ, փոխգնդապետ Ջաբա Թորոշելիձեին:

Դանդիպման ընթացքում քննարկվել են հայ-վրացական բազմակողմ համագործակցությանը վերաբերող, երկկողմ հետաքրքրություն ներկայացնող, ինչպես նաեւ տարածաշրջանային անվտանգության խնդիրներին առնչվող հարցեր:

ՀՀ պաշտպանության նախարարը շնորհավորել է վրացական դեսպանատան ռազմական կցորդին պաշտոնում նշանակվելու կապակցությամբ եւ հույս հայտնել, որ նրա գործունեությունը կնպաստի երկու երկրների պաշտպանական գերատես-

չությունների համագործակցության հետագա զարգացմանը:

Իսկ փետրվարի 17-ին Դայաստանում Վրաստանի արտակարգ եւ լիազոր դեսպան Գիորգի Սագանելիձեն հանդիպել է ՀՀ կրթության, գիտության, մշակույթի եւ սպորտի նախարար Վահրամ Դումանյանին:

Գիորգի Սագանելիձեն, շնորհավորելով նախարար Վահրամ Դումանյանին նշանակման առթիվ, նշել է, որ հանդիպումը որոշ ժամանակով հետաձգվել է՝ կորոնավիրուսի համավարակով (Շարունակությունը՝ 2-րդ էջում)

ՀՈՎՀԱՆՆԵՍ ԹՈՒՄԱՆՅԱՆ -152

ՄԵԾ ԲԱՆԱՍՏԵՂԾԻ ԾՆՆԴՅԱՆ ՕՐԸ՝ ԳԻՐՔ ՆՎԻՐԵԼՈՒ ՏՈՆ

2008 թվականից Հովհաննես Թումանյանի ծննդյան օրը՝ փետրվարի 19-ին, Թբիլիսիի հայ գրողների ու հասարակական գործիչների պանթեոնում անխախտ ու անխափան՝ Գրքի տոն է:



Գրքով գալիս, գրքով տուն են դառնում, միմյանց գիրք նվիրում ու եւս մեկ անգամ Ամենայն Դայոց Բանաստեղծին իրենց խոնարհումն ու երախտագիտությունը բերում: Թումանյանի հոգեւոր քաղաքում՝ Թբիլիսիում, վիրահայ բանաստեղծուհի Անահիտ Բոստանջյանի (1949-2017) հիմնած Գիրք նվիրելու

ավանդույթը շարունակվեց այս տարի եւս՝ չնայած համավարակով պայմանավորված սահմանափակումների:

- Եթե անկեղծ, ապա մեր օրերի ծանր մարտահրավերն իր դրական կողմն ունեցավ նաեւ, - ասում է օրվա կազմակերպիչ-

(Շարունակությունը՝ 3-րդ էջում)

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

COVID - 19

ՍԱՀՄԱՆԱՓԱԿՈՒՄՆԵՐԻ ՄԵՂՄԱՅՄԱՆԸ ԶՈՒԳԸՆԹԱՅ, ԽՍՏԱՅՎՈՒՄ Է ՀԱՆՁՆԱՐԱՐԱԿԱՆՆԵՐԻ ՎԵՐԱՀԱՅՈՒՐՈՒԹՅՈՒՆԸ

Վրաստանի վարչապետ Գիորգի Գախարիայի գլխավորությամբ անցկացվեց միջգերատեսչական համակարգող խորհրդի հերթական նիստը:

Երկրում համավարակաբանական իրավիճակի կայունացման միտման եւ սահմանափակումները մեղմելու հաջորդ փուլին զուգահեռ, միջգերատեսչական խորհուրդը քաղաքացիներին ու ձեռնարկատերերին կոչ է անում խստորեն հետեւել հանձնարարականներին, որի վրա կիրականացվի խիստ վերահսկողություն: Նշվեց, որ արգելված եւ թույլատրված գործողությունների կատարման վերահսկման ու դրական ցուցանիշը 4 տոկոսի շրջանակներում պահելու դեպքում, սահմանափակումների փուլ առ փուլ վերացման գործընթացը կշարունակվի:



(Շարունակությունը՝ 6-րդ էջում)

ՏՐԱՆՍՊՈՐՏ

ՎՐԱՍՏԱՆԻ ՏԱՐԱՆՑԻԿ ԳՈՐԾԱՌՈՒՅԹԻՆ ՈՉԻՆՉ ԶԻ ՄՊԱՌՆՈՒՄ



Տարածաշրջանի ուղեւորափոխադրումների քարտեզի նոր երրորդինների ի հայտ գալը էական ազդեցություն չի կարող գործել Վրաստանի տարանցիկ ներուժի վրա: Այդ մասին հայտարարել է Վրաստանի տրանսպորտային միջանցքների ուսումնասիրման կենտրոնի ղեկավար Պաստա Ցագարեիշվիլին:

Փորձագետը գտնում է, որ երկաթուղային եւ ավտոմոբիլային նոր ճանապարհների շահագործումը արգելքներ չի ստեղծի Վրաստանին տարանցիկ գործառույթի իրականացման հարցում:

ԲԱՆԱԿ

ՎՐԱՅ ԶԻՆՎԱԾ ՈՒԺԵՐԸ ԿՍՏԱՆԱՆ ԱՄԵՐԻԿԱՆ ԱԿԱՆԱՆԵՏՆԵՐ ԵՎ ՓԵՂԱՅԻՐՆԵՐ

Փետրվարի 11-ին Վազիանիում վրաց-ամերիկյան համատեղ զորավարժություններից հետո, Միացյալ Նահանգները Վրաստանի պաշտպանության նախարարությանը փոխանցեց մի քանի տասնյակ նորագույն զինացիքներ եւ ակամանետներ:

Այդ սպառազինությունը հնարավոր է օգտագործել վաշտերի եւ գումարտակների մակարդակով ու նախատեսված է հակա-

ռակորդի կենդանի ուժի ոչնչացման համար: Ամերիկյան հարյուր միավոր ակամանետները եւ 200 միավոր զինացիքները

Վրաստանին փոխանցվեցին այն ծրագրի շրջանակներում, ըստ որի, Վրաստանը ստանալու է 18 միլիոն դոլարի սպառազինություն, որպեսզի երկրի զինված ուժերն առավելագույնս մոտենան Յուլիստվանտյան պայմանագրի կազմակերպության չափորոշիչներին:

ԱՄԵՐԻԿԱՆ ՌԱԶՄԱՆԱԿԸ՝ ՎՐԱՍՏԱՆԻ ՏԱՐԱԾՔԱՅԻՆ ՋՐԵՐՈՒՄ

Ամերիկյան ռազմածովային ուժերի «Դոնալդ Կուկ» (USS Donald Cook_DDG-75) ռազմանավը մուտք է գործել Վրաստանի տարածքային ջրեր:

Բաթումիի նավահանգստում ռազմանավը դիմավորեց Վրաստանի ՆԳ նախարարության սահմանային ոստիկանության ավապաշտպանության ղեկավար տանկերի տնօրեն, առաջին կարգի կապիտան Ռամազ Պապիձեն:

Ռազմանավի վերոնշյալ այցը ծառայում է ԱՄՆ-ի եւ Վրաստանի միջեւ ռազմածովային ուղիորդում համագործակցության ամրացմանը: Ռազմանավի մուտքը Վրաստանի տարածքային ջրեր իրականացվեց առողջապահության համաշխարհային կազմակերպության ու հիվանդությունների վերահսկողության ազգային կենտրոնի հանձնարարականների խիստ պահպանմամբ: COVID-19-ի հնարավոր տարածումը կանխելու նպատակով, հանդիպումներն անցկացվեցին հեռավար ձեւաչափով:

Arieigh Burke դասի կառավարող իրթիններով «Դոնալդ Կուկը», ԱՄՆ-ի վեցերորդ նավատորմի շրջանակներում, մասնակցել է մի շարք մարտական գործողությունների եւ նպաստել Սեւ ծովի տարածաշրջանում անվտանգության պաշտպանությանն ու ՆԱՏՕ-ի կողմից իրականացվող գործողությունների աջակցությանը:



ՀՊՀԱՆՆԵՍ ԹՈՒՄԱՆՅԱՆ - 152

ՄԵԾ ԲԱՆԱՍՏԵՂԾԻ ԾՆՆԴՅԱՆ ՕՐԸ՝ ԳԻՐՔ ՆՎԻՐԵԼՈՒ ՏՈՆ

(Սկիզբը՝ 1-ին էջում)

Ներից Թբիլիսիի «Թումանյանի տուն» գիտահետազոտական կենտրոնի տնօրեն Գիսանե Հովսեփյանը, որովհետեւ, ըստ էության, այսօրվա միջոցառմանը մասնակցեց ամբողջ աշխարհի հայությունը: Այս տարի միջոցառումն անցավ Երեւանի Թումանյանի տուն-թանգարանի հետ համատեղ եւ ողջ օրվա ընթացքում ցուցադրվեց թանգարանի կայք-էջում՝ ուղիղ հեռարձակմամբ: Ասել է թե, Ամենայն Հայոց Բանաստեղծն իր հավերժ երկայնությամբ կրկին միավորեց բոլորին: Մինչ այդ, մեր կենտրոնի նախածնունդային Երեւան էին ուղարկվել շնորհավորական տեսագրություններ՝ վիրահայ համայնքի մտավորականության ու մեր վրացի բարեկամների մասնակցությամբ, որոնք եւս ցուցադրվեցին փետրվարի 19-ին:

Հայաստանում եւ աշխարհի տարբեր հայկական համայնքներում շարունակվող Թումանյանական օրը

մեկնարկեց Թբիլիսիում, Խոջիվանքի պանթեոնում, Ամենայն Հայոց Բանաստեղծի շիրմի մոտ, ուր թեմի առաջնորդ Տեր Կիրակոս վարդապետ Դավթյանի եւ հոգեւոր դասի մասնակցությամբ հոգեհանգստյան կարգ մատուցվեց: Ներկա էին Վրաստանում Հայաստանի արտակարգ եւ լիազոր դեսպան Ռուբեն Սադոյանը, «Վրաստան» թերթի գլխավոր խմբագիր Վան Բայբուրթյանը, Թբիլիսիի Պ.Ադամյանի անվան պետական հայկական դրամատիկական թատրոնի գեղարվեստական ղեկավար Արմեն Բայանդուրյանը, «Հայարտուն» կրթամշակութային կենտրոնի տնօրեն Եվգենյա Մարկոսյանը, բանաստեղծ Լեւան Ցալուղելաշվիլին, հասարակական եւ մշակութային գործիչներ:

Բանաստեղծի պատգամներին, կամրջող նրա առաքելությանն ու մարդասեր էությանն էին նվիրված մտավորականներ Կարինե Մանուկյանի, Ռոզա Զոհրաբյանի, Սուսաննա Խաչատրյանի, Լուսինե Վանոյանի, Արտեմ Կիրակոսովի ելույթները: Թումանյան



ասմունքեցին Թբիլիսիի պետական բժշկական համալսարանի ուսանող Ռաֆայել Գասպարյանը եւ Գարի Դալամբարովը:

ՍԱՐԻԱՍ ԴԱՆԻԵԼՅԱՆ
Լուսանկարները՝ «ԱԼԻՔ ՄԵԴԻԱՅԻ»

ԽՈՐՀՐԱՐԱՆ

ԸՆԴՈՒՆՎԵՑԻՆ ՆԻԿԱ ՄԵԼԻԱՅԻ ԱՆՁԵՌՆՄԽԵԼԻՈՒԹՅԱՆ ՉԵՂԱՐԿՄԱՆ ԵՎ ԺԱՄԱՆԱԿԱԿՈՐ ՔՆՆՉԱԿԱՆ ՀԱՆՁՆԱԺՈՂՈՎ ՍՏԵՂԾԵԼՈՒ ՈՐՈՇՈՒՄՆԵՐ

(Սկիզբը՝ 1-ին էջում)

Հիշեցնենք, որ Նիկա Մելիայի դեմ քրեական գործ էր հարուցվել 2019 թվականի հունիսի 20-ին, խմբային բռնության ղեկավարման եւ դրան մասնակցության համար: Քաղաքային դատարանը 2019 թվականի հունիսի 27-ին խափանման միջոց էր սահմանել 30 000 լարի գրավ եւ էլեկտրոնային մոնիթորինգ խմբային բռնության գլխավորման եւ դրա մասնակցության համար: Այն ժամանակ դատարանը՝ որպես խափանման միջոց, սահմանեց 30 հազար լարիի տուգանք, ինչպես նաեւ պարտադրեց էլեկտրոնային ապարանջանի կրում:

Հոկտեմբերի 31-ին խորհրդարանական ընտրությունների անցկացումից հետո, բողոքի ցույցերից մեկում Նիկա Մելիան ապարանջանը հրապարակայնորեն հանեց եւ դեմ շարտեց: Խափանման միջոցառումների խախտման պատճառով, դատարանը Նիկա Մելիայի համար սահմանեց նոր պատիժ՝ գրավի գումարը հասցրեց 70 հազարի, այսինքն՝ դատարանի որոշմամբ, Նիկա Մելիան վճարելու է եւս 40 հազար լարի, ինչից նա բարձրաձայն հայտարարեց, որ չի վճարի:

Խորհրդարանի վերոնշյալ որոշումը երկրի դատախազությանը հնարավորություն է ընձեռում նոր պատժամիջոցի սահմանման հարցով դիմել դատարանին:

ԸՆԴՈՒՆՎԵՑ ԽՈՐՀՐԱՐԱՆԱԿԱՆ ԸՆՏՐՈՒԹՅՈՒՆՆԵՐԻ ՈՒՍՈՒՄԱՍԻՐՈՒԹՅԱՆ ԺԱՄԱՆԱԿԱԿՈՐ ՀԱՆՁՆԱԺՈՂՈՎ ՍՏԵՂԾՄԱՆ ՈՐՈՇՈՒՄ

Վրաստանի խորհրդարանն այդ լիազումար միստում ընդունեց որոշում՝ ստեղծել ժամանակավոր քննչական հանձնաժողով, որն ուսումնասիրելու է 2020 թվականի հոկտեմբեր 31-ին անցկացված խորհրդարանական ընտրությունները: «Վրացական երազանք» խմբակցության կողմից նախաձեռնած օրինամախազիծն ընդունվեց 78 ձայնով: Քննչական հանձնաժողովը ստեղծվում է եռամսյա ժամկետով: Նշենք, որ օրինամախազիծն ընդունվեց լիազումար միստում, որին ներկա էին ինչպես կառավարող մեծամասնության, այնպես էլ՝ ընդդիմադիր «Քաղաքացիներ» եւ «Եվրոպական սոցիալիստներ» կուսակցությունների ներկայացուցիչները: Ընդդիմադիր կուսակցությունները, որոնք հրաժարվում են մտնել խորհրդարան, մինչ այդ հայտարարել էին, որ մտադիր չեն մասնակցել քննչական հանձնաժողովի աշխատանքին: Ինչ վերաբե-

րում է խորհրդարան մուտք գործած ընդդիմադիր 2 կուսակցությունների ընդհանուր առմամբ 6 պատգամավոր, ապա նրանք պատրաստական են մասնակցել այդ աշխատանքին, ընդ որում՝ «Քաղաքացիների» ներկայացուցիչներ Ալեկո Էլիսաշվիլու եւ Լեւան Իոսելիանու խոսքերով իրենք կներգրավվեն հանձնաժողովի աշխատանքին, եթե գործընթացին մասնակցեն նաեւ այլ ընդդիմադիր կուսակցությունները, որոնք ի տարբերություն «Քաղաքացիների», երկրի ողջ տարածքի ընտրական տեղամասերում ունենին իրենց ներկայացուցիչները:

Ինչպես հայտարարեցին «Վրացական երազանքի» ներկայացուցիչները, եթե հանձնաժողովի աշխատանքը բացահայտի, որ հայտնաբերված տվյալները գոնե 1 տոկոսով կտարբերվեն պաշտոնական տվյալներից, հոգուտ «Վրացական երազանքի», ապա կհայտարարեն արտահերթ ընտրություններ:

ՄԱՅԱ ՑՔԻՏԻՇՎԻԼԻ. «ՉՆԱՅԱԾ ՀԱՄԱՎՈՐԱԿԻ, ԻՐԱՎԱՆԱՑՎԵՑ 6 ՀԱՅՈՐ ՆԱԽԱԳԻԾ, ՍՏԵՂԾՎԵՑ 31 ՀԱՅՈՐ ՆՈՐ ԱՇԽԱՏԱՆԵՐ»

Կառավարության ժամի շրջանակներում Վրաստանի առաջին փոխվարչապետ, տարածաշրջանային զարգացման եւ ենթակառուցների նախարար Մայա Ցքիտիշվիլին հանդես եկավ զեկույցով, որտեղ հանրագումարեց նախորդ տարվա ընթացքում իրականացված աշխատանքները եւ ներկայացրեց առաջիկա գործունեության ծրագիրը: Ինչպես նշեց փոխվարչապետը, անցյալ տարի նախարարությունը ենթակառուցային նախագծերի զարգացման համար ներդրեց ռեկորդային գումար՝ 2 միլիարդ 200 միլիոն լարի: Արդյունքում, շահագործման հանձնվեց 70 կմ արագընթաց ավտոճանապարհ, վերանորոգվեց 580 կմ ներքին ճանապարհ, ավարտվեց Աբասթուանիի պատմական շենքերի, աստղադիտարանի եւ ճոպանուղու վերանորոգումը, տարածաշրջաններում կառուցվեց 20 նոր դպրոց՝ 1530 երեխայի համար, 1020-ի համար նախատեսված 17 մանկապարտեզ եւ այլն:

Տարածաշրջանային զարգացման եւ ենթակառուցների նախարարը նշեց, որ նախարարությունը նշանակալից աշխատանքներ է կատարել, իրականացվել են նշանակալից նախագծեր եւ արդյունավետ կայացավ այդ նախագծերի կառավարումը համավարակի պայմաններում: Նրա խոսքով, 2020 թվականին իրականացվեց շուրջ 6 հազար նախագիծ, գործարկվեց 1300 ընկերու-



թյուն եւ ստեղծվեց 31 հազար նոր աշխատատեղ: Անդրադառնալով առաջիկա ծրագրերին՝ Մայա Ցքիտիշվիլին նշեց, որ 2021 թվականին նախարարության բյուջեն՝ 2,367 միլիարդ լարի, ռեկորդային է: Վրաստանի վարչապետի պաշտոնակատար Մայա Ցքիտիշվիլու հայտարարությամբ, 2021 թվականին Վրաստանում կավարտվի 41 դպրոցի շինարարությունը: Նրա խոսքով, Վրաստանի տարածաշրջանային զարգացման եւ ենթակառուցների նախարարությունն անցյալ տարի ավարտեց 20 նոր դպրոցի եւ 17 նոր մանկապարտեզի շինարարությունը: Նրա խոսքով, այս տարի կավարտվի ավելի քան 7 հազար աշակերտի համար նախատեսված 41 դպրոցի շինարարությունը:


Ծրագրված է նաեւ մինչեւ 2022 թվականի վերջն ավարտել 16 հազար աշակերտի համար նախատեսված շուրջ 100 դպրոցի վերանորոգումը, ինչի համար հատկացվել է 300 միլիոն լարի: Մայա Ցքիտիշվիլու հավաստմամբ, դպրոցների վերանորոգման ծրագրի շրջանակներում սկսվում է եւս մի ծրագիր, որը կիրականացվի Համաշխարհային բանկի ֆինանսական աջակցությամբ: Խոսքը վերաբերում է 31 դպրոցի վերանորոգման մասին է: Ծրագրված է եւս 46 դպրոցի վերանորոգում: Առաջիկա երկու տարիների ընթացքում կկարգավորվի 1410 դպրոցի ենթակառուց:

Հիշեցնենք, որ Վրաստանում գործում է 2085 պետական դպրոց, որտեղ սովորում է ավելի քան 591 հազար աշակերտ:

Պատրաստեց ՅՈՒՐԻ ԽՈՐԵՆՅԱՆԸ

ՄԻՋԱԶԳԱՅԻՆ ՄՐՑՈՒՅԹԻ ԴԱՓՆԵԿԻՐՆԵՐ

ԴԻՊԼՈՄՆԵՐ՝ ՆԻՆՈՇՄԻՆԴԱՑԻ ՀԻՆԳ ՊԱՏԱՆԻ ՆԿԱՐԶԻ



Վրաստանում Բելառուսի դեսպանությունը դիպլոմներ հանձնեց Նինոծմինդայի մունիցիպալիտետի հինգ պատանի նկարչի, իսկ մունիցիպալիտետը՝ նվերներ:

2020 թվականի ամռանը Վրաստանում Բելառուսի դեսպանությունը հայտարարել էր պատանի նկարիչների 7-րդ «Մոլորակի երեխաները բարեկամա՛նում են» միջազգային մրցույթը, որին մասնակցեց 27 երկրների շուրջ 4500 երեխա:

Նինոծմինդայի մունիցիպալիտետի Նինոծմինդա քաղաքի արտադպրոցական երիտասարդական ուսումնական կենտրոնի պատանի նկարիչները ներկայացրին իրենց գործերը (ուսուցիչ՝ ճանաչված նկարիչ Սարգիս Արոյան): Նրանցից հինգ երիտասարդ նկարչի (Արմինե Աբրահամյան, Մարիամ Աբրահամյան, Ալյոնա Տոնականյան, Մանաս Մանասյան եւ Հովհաննես Իսախանյան) գործերը հայտնվեցին հաղթող 50 նկարիչների ցուցակում:

Դեսպանությունը դիպլոմներ հանձնեց մրցույթի հաղթող 5 մինոծմինդացի պատանի նկարիչներին: Իր հերթին, Նինոծմինդայի մունիցիպալիտետի քաղաքապետ Անի Մոսոյանը երիտասարդ նկարիչներին նվերներ հանձնեց: Միջոցառմանը ներկա էր մունիցիպալիտետի սակրեբուլոյի նախագահ Վահան Արոյանը:

Միջոցառմանը նշվեց, որ ընթացիկ տարվա ամռանը անցկացվելու է պատանի նկարիչների 8-րդ միջազգային մրցույթը, որի պաշտոնական հրավերն արդեն ստացվել է:

ԼԵՎՈՆ ՎԱՐԴԱՆՅԱՆ

Նինոծմինդայի մունիցիպալիտետի քաղաքապետարանի կրթության, մշակույթի, սպորտի, երիտասարդության հարցերի ծառայության պետ



ՍՈՑԻԱԼԱԿԱՆ

ՄԵԿ ՄԻԼԻՈՆ ԿԵՆՍԱԹՈՇԱԿԱՌՈՒ ԵՎ ՍՈՑԻԱԼԱԿԱՆ ՆՊԱՍՏԱՌՈՒ

Վրաստանի վիճակագրական պետական ծառայության տվյալներով, 2020 թվականին Վրաստանում տարիքային կենսաթոշակ եւ սոցիալական նպաստ ստացողների թիվը գերազանցել է 958,3 հազարը, ինչը երկրի ընդհանուր բնակչության մեկ քառորդից ավելին է:

Ծառայության հրապարակած տվյալների համաձայն, 2020 թվականին սոցիալական նպաստ ստացողների թիվը կազմել է 174 612 մարդ: Նրանցից 35 տոկոսը կանայք են, 65 տոկոսը՝ տղամարդիկ: Սոցիալական փաթեթներից օգտվողների 72,5 տոկոսը սահմանափակ հնարավորություններ ունեցող անձինք են, 12,6 տոկոսը՝ ընտանիքի կերակրողին կորցրածները, 8,9 տոկոսը պատերազմի վետերաններ են, 5,7 տոկոսը՝ պետությունից փոխհատուցում ստացող անձինք, 0,3 տոկոսը՝ այլ տեսակի սոցիալական փաթեթներից օգտվողներ:

2020 թվականին սոցիալական փաթեթներ ստացողների ամենամեծ թիվը գրանցվել է Թբիլիսիում՝ 26,7 տոկոս, Իմերեթիում՝ 17,1, Աջարիայում՝ 11,1 տոկոս:

2020 թվականին սոցիալական նպաստակային ծրագրերի տվյալների բազայում գրանցված ընտանիքների թիվը կազմել է 330 943, իսկ կենցաղային նպաստ ստացող ընտանիքների թիվը՝ 146 619:

Երկրում կա 783 705 կենսաթոշակառու, որից 71 տոկոսը կանայք են, իսկ 29 տոկոսը՝ տղամարդիկ: Թոշակառուների ամենամեծ թիվը գրանցված է Թբիլիսիում՝ 29,2 տոկոս, 16,4 տոկոսն ապրում է Իմերեթիում, Սամեգրելոյում եւ Ջեմո Սվանեթիում՝ 10,8, Քվեմո Զարթիում՝ 9,7,



Կախեթիում՝ 9 տոկոսը:

Վրաստանում ընթացիկ տարվա հունվարի 1-ից աճել է տարիքային կենսաթոշակ ստացողների կենսաթոշակային գումարը: Մինչեւ 70 տարեկան կենսաթոշակառուները ստանում են 240, իսկ 70-ից բարձր տարիք ունեցողները՝ 275 լարի:

Վրաստանի բյուջեում կենսաթոշակների համար հատկացվել է 2,6 միլիարդ լարի:

Հիշեցնենք, որ 2020 թվականին կենսաթոշակի չափը կազմում էր 220, իսկ 70 տարեկանից բարձր կենսաթոշակառուներինը՝ 250 լարի:

Կենսաթոշակների ինդեքսավորման նոր կանոնակարգի համաձայն, վճարների չափն ամեն տարի աճելու է: Մասնավորապես, 70 տարին չլրացած կենսաթոշակառուների կենսաթոշակը կաճի՝ հաշվի առնելով գնաճը, իսկ 70-ից բարձր կենսաթոշակառուների համար՝ գնաճն ու նաեւ տնտեսական աճի 80 տոկոսը:

Այսօրվա դրությամբ, Վրաստանում տարիքային կենսաթոշակ տրվում է 60-ից բարձր կանանց եւ 65-ից բարձր տղամարդկանց: